

佚  
存  
叢  
書

1 曾 4  
A 6 3  
3 2



門 4 4  
疏 志

新金圖書  
永村祭市君  
贈此書以為  
其先考紀念  
維時明治三  
十九年九月  
新金圖書



景文宋公集卷第二十六

元本卷首  
二二頁快

律詩

初除直講獻內閣馮學士孫侍郎

圓海崇遺教中陵育茂材霧從仙市合風向舞雩來  
寶篆侔東壁儒篇訪曲臺泮芹參上俎燕簪擁輕埃  
鼓篋華冠聚邱山縹帙開蟲形浮墨沼鼠耳綻經槐  
有客綠承乏無庸愧濫陪難重漢家席易眩魯門杯  
學困青箱廣書愁皓首催空塵博士議不稱洛陽才  
高閣連雲景層城枕斗魁惟應仲尼冶未惜鑄顏回  
寒食野外書所見

一雨初回逗曉涼近郊連畝儼相望乞漿易醉墦間  
客執養初閑竈下郎暖吹未休綠迴野低煙不散爲  
垂楊家家鐘鼓爭行樂肯信龍蛇是怨章

送客不及

祖帟難留十里筵亭臯衰柳但長煙班騅不及來時  
路黃鵠空驚去後絃曾是松心同歲晚忍無梅信發  
春前南樓謾作憑高計望盡天涯更有天

旬休

散帶家居首任蓬閉關窮巷避雌風官非言責知餘  
裕流在儒家覺少功慢態已成書几積黠姿無半畫

廚空此生信有天年樂堪置蒙莊大社中

直舍

南榮曝腹飢黃梁卧看春暉上縹牆有位乘軒慚野  
鶴出錢邀沐羨山郎神交白愛蘧蘧適怪事非論咄  
咄狂瓠竅不穿樗質散只應何用是吾鄉

東晉

倉卒浮江日昇明建號初羣臣讓禁臠上宰製單練  
氣銳燒桁戰心歡折屐書織兒競撞壤不念好家居

送澶淵李太傅

左契銅魚照綬囊上頭車騎冠東方三交薦杖中軍

戲一割牛心右客嘗烽靜塞垣宵燐滅橋橫河曲暮  
虹長歸來競病喧笳鼓不畏休文賦韻彊

張生南歸

謁舍修容倦刺毛紛紛朱紫笑銀袍吳天破月愁歸  
晚楚俗傷春忌唱高江步挈舟雙打槳酒亭橫幟一  
持螯平臺鄒馬英游盛霏霰連天待賦毫

黃孝基歸上饒

街微曙蓼喧行人岸檣船杓星背城隱萍日過江圓  
霧晦書囊竹塵昏劔室蓮匱時漢庭用未減賈生年

送張士安同年赴上元尉

千名聯唱第一尉滯徒勞山入黃旗國江浮白鷺濤  
苑蕪兼日晚官樹共秋高少賦思歸恨潘才足二毛  
本自悲涼葆髮多何緣未至濫中阿馬肝不食非論  
味狗曲猶輕枉爲歌舊學空踈緣病廢壯情牢落伴  
年過終然野鹿江魚性長在雲林與素波  
四郡連翩擁使旗多年不聽汝南雞宴開河朔千人  
帳書用黎陽一襜泥水曲箭波喧夜櫓原田絲雨勸  
春犁可嗟未預元規論坐據胡牀送月低

長寧節紀聖

沙麓披祥牒金刀襲裔昆嬪虞冠媯泐生子首姜嫄  
自昔儀椒壺乘時正翟軒禕榆躬象服黃老好名言  
慈蔭天同廣柔風律竝暄靈光流月姊秘緯應星竈  
嗣統開橫兆遵遺奉壽原愛親周道始加太漢儀尊  
參務絲言慎臨朝玉色溫從容携日月指顧靜乾坤  
盡散脂田邑親縑繭館益記功彤管史貽訓濯龍門  
寶稼興東戶佳兵戢左韃萬靈翔氣辨五始而春元  
夜隕西方雨神清積石源良時標曆鳳延祝動庭鴛  
縑玉虹光射絲囊露采翻齋科藥珠館供會佛家園

薦壽超千劫同寅望九闈南風來助曲北斗下臨樽  
瑞鑑紅搖旭香罌碧裊昏欽承子道至奉養母儀敦  
雉翬橫霏霧仙盤灑瑞瞰紫雲回幄影銀蒜動鉤痕  
我有吹笙宴朝均湛露恩仵圖邁明辟雜霸掩曾孫  
束帛霑羣后張旛答樹惇思賢君子行循法大夫繁  
賚貝南浮海邦圖北際鯤此時歸寶算仙石奉綿存

慈聖閣秋橙結實 上召宗室同觀

昔預穰侯貢今移漢掖旁帝憐秋實茂天許本根彊  
媚葉重重密幽花裊裊香包垂列星緯味變九霞漿  
薰軫分風近仙盤餉露涼和羹竝梅蓀連葉讓芝房

舜日晨烘霧堯雲夕護霜不隨江北化思助廟中嘗  
盧橘非同種安榴肯競芳榮觀聳麟族賦筆助荷囊

春夕聞鴈

聲繁知併舉陣急想斜分臆飽江南稻身隨代北雲  
足書爲遠寄箭道怯虛聞口噤悲黃鵠相望不及羣

天街縱轡晚望

夾道宮槐鼠耳長碧簷千步對飛廊虹橋不礙天河  
水虎落遙遮禁苑牆柳密試應勝暖吹樓高都擬爲  
殘陽塵輕霧重黃昏恨半屬翩翩馬上郎

早春出近郊

迴望三條接上闌野霏山秀似堪餐冰翻斷影回魚  
暖雲作輕陰借鴈寒卽席縹清宜玉學何人蘇合費  
金丸風長麥淺如臯路雉子班班錦羽翰

兄長有計省之命  
長簡蓬山藏婆娑試滿年頻書對命笏長負出休錢  
運復光華旦恩回咫尺天罷披窮石訴入佐計臺員  
近對塗丹密相趨委佩聯太官供餌美三服賜袍鮮  
平進真如砥孤飛舊惡弦猶勝廣文客摧擿獵塵編  
肅簡燕魯公挽歌四首  
拂世謨謀盛端朝載采熙上前推汲直天下詠曹隨

密啟多焚草加餐厭嗜口不圖霜霧疾奄忽喪元龜  
震邸陪翔鳳天壇侍祭牲參謀大丞相別對小延英  
上棟方隆國頽山遽奠楹武公年不至輔德似功名  
憂國神無愛呼醫體寢懼人憂一台拆帝遣兩騶扶  
臨視回襄御遺言入舜謨七兵榮贈冊沉礎賁龜趺  
密勿千齡旦生平三命恭承家男得鳳擇婿女乘龍  
鄮邑窮遺產邢山卜素封空餘弔客淚傾海望長松

休沐

出休連日似山郎坐有蛩瓊沐有湯缸面酒華隨日  
轉琴中松韻共風長官卑寧爲今無巧愚極曾聞古

是狂自顧支離與尸祿襍歸囊被亦何妨

春晚寫望

不覺春芳晏翻成客望勞草平天一色風暖燕雙高  
擊鞞爭輕幟書旗衍縹醪隨宜歌白紵都士半雲袍

休日

病粟支離月有儲漢家湯沐許家居材同曲杜真無  
用拙比河陽恐有餘半夜羈魂隨鶴驚九秋嘶腹共  
蟬虛誰言舐痔非長策卻得君王五乘車

昭文王相公出鎮青社

西漢無雙彥中興第一流二篇應商夢七聖首軒游

昔會光華旦時當物色求從容賜官筆都穆潤緹油

芝押兼泥熟鼇峯駕浪浮公在先朝歷內外制捫天陪累礧敲

鼎識培鉤代岳汾二祀公皆法從帝欲中階正公參九廟謀危言

天下事坐勝幄中籌斤斤宣嘉績巖巖樹壯猷異時

思大治此日詠崇邱承弼圖勲盛蕃宣席寵優長自參酌

出鎮南都均勞九州伯重序富民侯公再入遂正合席真廟方憑

几祇宮奉委裘扶天八柱正披日五雲收堯后除凶

代周王訪落秋盡歸千里馬無復少陽牛熙綽官咸

事端朝茹不柔堯烽閒塞警財餌撫夷酋再侍欽柴

祭公兩侍聖上郊禮仍賡築瓠謳頃歲塞河成功奉承湯恤祀力贊

禹勤溝國賴蕭公畫言無趙孟偷深恩及行葦和氣

藹鳴球幾欲辭名遂何嘗為智憂屢居移病苦連賜

上尊醅敦免深慈展猗違動邃旒坐槐聊罷府剖竹

更為州晝錦貪過里晨裝趣戒騶邳垠訪祠石稷下

按行楸列第今容駟橫川本是舟娛賓羅鼎食坐閣

便巾構故事南宮在颯歌北海流人祈衛武歲三入

對王休

抒懷呈同舍

本自出茅賤非貪箕斗名客心摧似櫓官謗沸如羹

晝役回腸數秋扶病體輕長年書轉忽多路涕先橫



已分嘲楊吃頻遭詈楚僮矜毗兩蝸角榮辱一棋枰  
越蟹丹螯美吳蓴紫線縈他年五斗米猶足代寒耕  
自訟二首  
有人多病卧遙帷誤捨寒耕失故畦每畏賓朋嘲乘  
鴈寧教子弟愛家雞淹中學廢心都塞轅下鳴餘耳  
更低自顧上恩無一報何顏歲晚望金閨  
坐瓊無客棟鴟愁談樹蕭然兩見秋執戟不知身寂  
寞寫書猶得罪風流官閒無日慙軒鶴機盡多年謝  
海鷗借問殿科能脫否杜陵男子有耕疇

抒懷上南京常山公

緇帷悵別倏經年榮露心危重惘然寧死道邊終自  
直狂歌河上欲誰憐魂隨夜蝶星垂地信斷秋鱗水  
接天早晚承明慶三人願持雲漢續遺篇

南方未臘梅花已開北土雖春未有秀者因懷

昔時賞玩成憶梅詠

江南寒意薄未臘見梅芳爲有輕盈態都無淺俗香

香方云甲煎淺俗

倚風斜夕臉呵雪噤晨妝刀尺憑鮫杼比

鄰託粉牆高枝籠遠驛側影照回塘曠望黃昏月憔悴  
妍半夜霜一身來上國三載別炎方不見南枝早方  
驚北道長當時猶引領此際故回腸淚盡羌人笛魂

銷越使鄉危樓難極目恨酒怯盈觴未到盧家第終  
虛白玉堂

喜得當塗葉學士手筆  
隨岸秋風慘別袂崢嶸歲晏得雙魚定因南浦傳能  
賦卻到西河問索居夜月連江金液動曉山圍國鈿  
螺踈端倪欲報懷人恨滴盡瑤蟾尙有餘

勸客

貂裘做盡飲飄空身滯平臺勸客中  
獲落本依莊櫟社飄飄誤閉隴鸚籠  
心緣遠別長依旆髮近窮年已付蓬  
素願祿儲過六百雲羅天外有冥鴻

懷故里偶成

先疇少失杏花耕十載窮塵困縛纓  
山上有山成久客吏中非吏得空名  
吟塘碧草他年廢霧驛哀猿此夜驚  
何日謁歸聊望里况無車騎避鄉評

景文宋公集卷第二十六

景文宋公集卷第二十七

律詩

詔復制科有謂予應詔者

漢幄思賢尺詔飛不材充賦諒非宜就令能奏三千牘未免長安欲死飢

代賦後園賞花釣魚

春豫凝蒼陸天旋駐翠華黃圖包漢制靈沼象周家  
風助千人唱神移萬品花詔音清感鳳騶節妙論狔  
宴露晞臣藿需天灑酒霞侍臣均式燕羲馭重西斜

應詔內苑牡丹三首

千葉

一豫疑皇覽千英薦瑞葩壓枝高下錦斜藥淺深霞  
疊采晞陽媚鮮苞照露斜九莖休銜葉五出浪言花  
郁郁雲柯覆蔥蔥氣瓣嘉羣心識天意成數佐皇家

雙頭

化工憑協氣花品効尤祥旖旎雙苞艷氤氳一種香  
參差迎夕露左右儵朝陽有意同緇幹無言並絳房  
萬靈天會帝三月史書王故此呈繁卉還將助樂康

三花

九城蕃瑞殖三出儼英蕤巽采昭天造同心奉帝嬉  
繁疑交書影重欲亞晴枝恩露方均泣王風亦徧吹  
併柯由內附紛豔表重熙幸覲由庚瑞慙陪可嬉嗣

代賦後苑賞花釣魚

黃屋宸襟豫靈琨苑制雄鈞天回帝所太液近唐中  
瑞旭搖紅藹丹葩雜紺叢王魚多在藻君鵠鎮迎弓  
式燕晞陽露徒歌屬大風此時慈惠洽共樂夏渠豐

冬夕酌酒

艾夜更壺幾沸殘尙持杯酒爲餘寒半分沉令傷多  
瘦數刻劉郎惜暫歡天外月痕迷倦鵲庭中霜氣伴  
衰蘭接羅不倒糟難藉坐見丹煤委燭盤

送王庾

倦客衣空化求知刺欲漫孤飛回鵬路別淚溢鮫盤  
待舉秋槐老承顏夏枕安新篇時寄我魚信接長瀾

皇帝幸南園觀刈麥

農扈方迎夏宮田首告秋

臣謹按物成熟者爲秋取  
擊飲之義故謂四月爲麥

秋嘉生擁瑤縣蕃穗徧天蕤肅雨津莖浹薰風獵穎  
浮登成告田畷省斂俟王游紫宙凝神暇丹書訪道  
休天行九五健歲取十千求洪洞開金狄連蜺接玉  
虬塵清屬車豹槍密羽林騶芝覆俄丹旭旌門倚綠  
疇先驅護綿野後騎隘長楸滌圃初開地腰鎌競勸

收田趨農帝耒脞錯夏王溝哀粟攢周甸茨梁屬舜  
眸夔長包圈虎箱重載星牛九扈開靈囿三辰駐采  
旂勞豐差有賜置酒酌言酬鳴爵知年稔爲魚告夢  
優雲雷一日澤鐘鼓萬人謳帝醉鈞天闕仙歸紫氣  
留明馨資寢廟足食煥緹油恩高不盡述  
闕於再送王庾曲代實大學魚開六流通壺年思良  
突甌殘炊黍津航促扣舷雲迷孝王苑星忍太邱纏  
破瑟弦鷓舞吟囊錦獸鮮晚淮他夜月離思共娟娟  
送孫臯潘想羊簡流謝殊思與尊養  
江邊瑤草鬪袍青所樂從軍得四明新水一篙催泛

鷓故林三月乃聞鷺羽書無警揮毫熟談幄多歡醉  
弁傾我亦中都厭羊酪爲傳秋思與蓴羹

送河中司馬待制

從祀天壇歇翠薰西門征轍愴離羣暫違冊府三重  
閣先過樓船一曲汾賓炙擊魚開左席戲壺爭馬宴  
中軍鶴樓西北懷都思盡日憑高不礙雲

同兄長賦朝雞

雕籠摧羽就羈栖心識昕朝候不迷羣鶴在軒皆有  
祿夫君何事獨先啼

雞答

君園稻富非爭食省樹枝深未許棲但得齊蠅無亂  
響不辭風雨五更啼

送鄭天休

春筠蒸徧撻鋒摧剝奏飄然別上臺投簡客驚枚乘  
去探書人繼史公來爆桐度曲離筵慘樵斧分風使  
棹催千萬襖濱傳妙序永和三月有流盃

偶作二首

去國日云久寥寥雙鬢衰長安舉頭近漳浦竄身危  
沫埃窮鯁煦春非墜葉知一屢先畝在扶耒有歸期  
衰翁好藏密移病此僑居白眼慵迎客青泥勸襍書

景文公集 四  
風侵殘晝網煙鎖蔽春樗惟有伊蒲士相從樂飯蔬

柳

濯濯索春饒依依帶暝搖楚宮皆餓死無計學纖腰

翰長再有北門之拜

病褫荷囊避禁圍彌年專氣養瓊枝仙郎去後桃尋  
熟温室重來樹更滋宮月舊蟾涵靜滴紫泥前札燥  
殘芝寶釘賜帶輝腰組尙苦春來幾眼移

賦得敗荷

爲結秋荷恨故來溝水西魚驚一蓋缺龜落半巢低  
細暗嬋娟渚香乾勃窣隄莖枯縈繭緒盤側漏鮫啼

自此空瑤席他年問濁泥那堪塘上雨點點其淒迷

與文題阮步兵祠二首

濟世非無策迷邦詎可求昏酣酒壚卧蕭散竹林遊  
俗眼嗟人廢窮途逐涕流何公眞禮法寧免疾如讎  
幽懷八十首鬱鬱寄蓬池屋壁留南巷鄉人奉種祠  
乘驢非宦巧逃蝨厭流卑三沃椒漿酌誰論飲過差

嵇康謂步兵惟  
飲酒過差爾

家居

鬱鬱行何適肩肩體寢臞安仁非善宦寧子是真愚  
北化隨江枳東遊謝海桴何須命私駕危涕避窮途

寒夜

孤客傷時晏遙帷對夜分  
虛輪抱初月側陣捲歸雲  
霜蕙披寒穎陂鳧叫暝羣  
村砧與營杵不寐最先聞

惠民河隄晚矚

遠水同縈帶聯隄類築垣  
行舟壓天底卧木擁沙痕  
筋鱗逃空留鳧鷺泊迴村  
層波真可羨由此到都門

再逢成上人

上都初見赤髭年竝在兩州絳帳前  
予識師於中山公坐上每

與文殊同問疾不知靈運遽生天

師常隨中山公之  
說上及公捐館師

還上都淮山永憶吟無社梁苑重來供有緣  
休問升堂

諸弟子餓思周粟賦歸田

有感

車轍無聲巷次閒  
畸人愁卧鬢毛班  
月囊罷食侏儒米  
歲計深依裒壘山  
風薄迴林秋蒂老  
天圍荒堞暝烏還  
舉頭卻望長安日  
已在浮雲沆漭間

寄弋陽王學士

新年給札漢家臺  
眾仗枚臯受詔才  
偃蹇不隨虞弁  
進樓遲翻逐阮麾  
來倡優技拙飛觴  
淺寒具盤空秘  
晝開早暮傳車趨  
一節敝冠猶望振  
窮埃

過朱亥墓



屠門遺舊隱，鎚袖凜餘風。兵下邯鄲壁，軀捐嘆踏公。  
種祠羣望亞，樵禁九原中。異世同檇墓，東西夾漢宮。

蓬池寫望

曠望蓬池上，池平失素波。鷗鳶貌閒暇，檇櫟意婆娑。  
霧日垂金蕙，煙峯晦鈿螺。回瞻百常闕，非爲五噫歌。

訪僧舍

近郭一牛鳴，金園界寶繩。衆花天作雨，千焰佛傳燈。  
碧柰垂圍老，青蓮雜漏凝。病衿多俗物，時此訪南能。

讀退之集

素瑟朱家古韻長，有誰流水辨湯湯。東家學嗜蒲菹

味，蹙頞三年試敢嘗。

古邑二首

古邑蓬池上，私居市道隣。初拋三釜粟，來作一廛民。  
乞火黔薪突，繙經振隙塵。何從復何去，更欲問圓神。  
墜雨離邦遠，編蓬僦廩卑。人非一國敵，家乏萬錢貲。

貢禹自云家  
貲不滿萬錢

江海嗟漂蕩，乾坤惜變衰。此時看落葉

廻堞

廻堞嶺岨極，長天蒼莽中。遠溪寒不浪，高木暝餘風。  
棧廡休王馬，槍纍隔苑熊。殘霞牽望眼，時到夕陽東。

僑居

抱病苦幽憂都城困勅游身拋禿翁版言入稗家流  
世路風波惡天涯日月邁危心正無泊持底喻窮愁

野望

皁壤一搖落年華此向闌雪雲從北暝霜日帶西寒  
漿酒喧神鼓風毛送獵鞍去邦猶未遠差認漢宮盤

觀相國長城公留題藥師院壁

擁節趨瑤縣回輿禮梵仙望雲催觀日零雨記歸年  
惠露霏毫潤尼珠入句圓斯人具瞻地二絕賁金田

晚秋月夕

萬里冰輪轉斗城薄帷開望暝寒輕金從佛國初移  
地玉與仙家便作京乾鵲繞枝經下苑漢刀持夜發  
連營謝郎莫惱修然意欲把纖雲點太清

答書

經櫛摧無幾書刀削未休胡能反招隱更欲旁牢愁  
斯硯寒餘滴挑燈暝映篝子威銷骨盡何相得封侯

翟子威傳少  
吏有封侯骨

送客

西出都門路橫參送客鞍低雲能作暝輕吹不成寒  
天勢高無極原姿秀可餐長年傷別甚作惡叵能歡

送蔣御史漕江南

拄後峨冠久未還江南行府使旗鮮陳陳洪庾催輸  
粟往往吳山卽鑄錢暝月早霞千里國廢樓殘社六  
朝天時清憲筆無彈劾供助騷人藻思妍

萬秀才園齋

仁里樂邱園茨茅構迴軒檻風叢篠密畦雨晚菘繁  
列岫非它境疏流卽故源彥倫回駕日于此愧驚猿  
日夕朋簪遠空成咄咄嗟危言猶在口飛語已磨牙  
室救鴟鴞毀庭喧獬豸邪青蒲空頓首白簡遂爲瑕

送范希文

身慙千金險頭經一夕華便應過楚澤何異向長沙  
簣土障河拙園葵望日賒盡焚温室草尙得使君車  
勝壤堪懷古扁舟復載家此時能痛飲努力詠餘霞

詠史四首

肆威矜逐逐索黨恣狃狃盜跖眞知道餘財欲汗人  
青松獨受命停雪待陽春一遇樵人斧同成樸楸薪  
虎嘯雲巖下風生林嶺隅須防威可假慎勿逐城狐  
持鷓鴣謀壯貪蟬鵲意深漁人一拱手彈者笑惜惜

送梅堯臣

祖裔都門路秋風滿客衣臺舟三翼駛宦舄兩鳧飛

景文宋公集 九  
鄉思臨波遠離憂傍酒微不應緣事事平日廢談圍

朱雲傳

朱游英氣凜生風瀕死危言悞帝聰殿檻不修旌直  
諫安昌依舊漢三公

送陳動之

綈帙拋蓬觀軍牙佐柳屯伏熊均軾寵睡貉襲裘温  
睢苑寒雲隔漁樵暝鼓喧帛書無厭數知有鴈爲門

結課

結課天官啟悲秋騎省孫崢嶸道歲籥翫麟別都門  
餞蓋紛寒野征檣拂曉瞰縣齋豐醉秫無厭數持樽

送潘祕校赴潁上簿

捧檄去三銓招招客叩船勅游驚密雪離思著么絃  
淮月開帆暝京塵滅殺鮮枳鸞非久息刷羽並來旋

送馬房

百五天長甚雨回祖筵離意冷於灰騁辭睢苑繁雲  
散托頰西山曉氣來草色不須爭去袂花光正欲傍  
迎醅相君卧鎮羣英集一府翹然用楚材

送明學士赴益州漕

帝念西南重頻年輟俊翹還臨二星野催駕一封軺  
地出褒中險梯連劔外遙蹲鴟蔽川沃流馬餉軍饒

景文宋公集  
檄去方移蜀書成遂薦譙客橙薰露夕官錦濯霞朝  
卓市醪華笑渝僮舞勢趨省闌聊罷幄亭柳重攀條  
煩使資游刃歸懷極本朝前知宣布曲即日徧歡謠  
和晏相公乘輿宿殿致齋日巡仗遇雪  
天京飛雪灑車裝九九清塵御路長斜影不迷宣曲  
騎薄花才點羽林槍觀邊麗色含鳩鵲蓋外輕陰亞  
鳳凰誰識憲騶巡遑盛賜袍衝霰入林光

和晏相公青城

連天華帟竦南端畫角吟龍疊鼓喧按曲已休雕輦  
入五營斜日亞旗竿

景文和晏相公祀畢城馬上口占

七里城南紫霧霏注旄叢斃蔽晨暉風驅萬騎甘泉  
近雲捧雙龍夏后歸饒鼓和歌扶輦道箭囊傳契敝  
端圍乘輿至門  
勸箭乃入都廬技養雞竿下共望中天赦鵠飛

國朝肆赦日每雞竿才豎而綠幢數  
輩踴相爭上捧雞歡躁然後赦出

和晏相公夜歸遇雪

孝王臺下糝花飛草草歸驂驟碧蹄斗作暝寒凌冒  
絮更回餘舞拂鄣泥城連迴闕迷蒼鳳人度長橋壓  
素蜺頽玉正酣天幙靜不妨清思入新題

來馳驟正玉節天朝請不世肯思人緣也

乘更回斜無杖障試就數段幽松蒼鳳人翅是辭

李王臺下蘇亦乘草草論懇懇無辭半卦與寒安

味是林公亦謂也

景文宋公集卷第二十七

游園 惟昔東門外 澹澹對芙蓉 翠華中 天姥辭

淡雲林雙語夏試讀幾遠林想并蓋故簡囊與笑

十里城南翠微寺 試讀幾遠林想并蓋故簡囊與笑

景文宋公集卷第二十七 山口古

景文宋公集卷第二十八

律詩

將還都寄獻臣

茂陵移病再窮年 尚省長安在日邊 生意不隨枯樹

盡危心重伴死灰 燃秋雲壓苑檀欒 近夕斗橫臺睥

睨連側注舊冠塵滿屋 定須彈拂故人前

早發

征客懷周道飄然望日畿 天開閶闔近星隱 建章微

王園芻蕘往駟原 駮牝歸詎能同野鳥 朝夕向臺飛

送王識游洛陽

上京漫客刺西道慘離裾天倚呼嵩外川橫鬪穀餘  
徹襪琴晦軫行笈簡聯書卻見槐花候期君促計車

臘後書所見

北斗邊城春柄回閏年飄穀占餘灰鼓聲催徧江南  
草驛路傳殘隴首梅寒日已高猶沉澆薄雲無待故  
徘徊何郎素意慙杯杓強欲乘閑撥凍醅

和御製皇太后恭謝太廟

柔極深慈冠古先謝成宗祏奉齋牲欲知太姒嗣音  
盛親見周王作雅年

有感

力守高皇約

高祖云非  
有功不侯

祈還司隸章翻身去殿檻忍

死出縑囊豕突埋輪路豺驕擇肉塲霜毫墨猶溼迢

遞竄遐方

莊獻明肅皇太后哀挽應制二首

寶慈垂母訓一紀御璿除地有占沙口天仍補石餘

軒星淪夕緯翟輅去宸居異日金滕啟方知復辟書

太后上僊後皇帝於  
巾箱中得明辟詔草

肝爪身無憚寒暄疾有加災生織女口魂斷濯龍車

厥嬰浮辰旭邊簫咽暝霞唯留長樂注刊美在皇家

莊懿皇太后哀挽應制二首

國啟重雍祚天推太極尊夏祠今化石堯母舊題門  
不待寒泉養空流渭水恩烝哉王者孝別廟奉姜嫄  
遣饌行將徹哀笳咽不前風驚長樂樹月苦鮒隅天  
恤典禕章備神塗駟駕聯故奩脂澤具留待上陵年  
送梁著作宰興平

班馬蕭蕭祖帳闌曉參橫影送征鞍春歸花樹排初  
齊天廢關泥落舊丸乳雉羣飛郊柘密祕魚雙合省  
芸乾霸陵草色無深淺試爲南登一望看

癸酉六月奉詔修籍田記十一月詔罷

三時受詔擁緹油曲筆無功苦思抽不得成書同太

史須知罪我異春秋空言自合因人廢殘稿猶應蓋

瓠留

記草織采心  
即送史院

歸卧私庭深閣筆飽嘗雞膳太悠悠

送張元安肅知軍

星闈幾罷日薰衣萬里題封換使麾都外鴟夷催輶  
酒塞南楊柳望春旗中軍尺檄閒飛羽前隊鳴鶻列  
素支競病不須貪賦韻路人笳鼓記歸時

偶成

不用眞如鼠胡瞻亦有鷄田園未歸客天地一畸人  
京邑風霜苦江鄉薇蕨春可能逃鬼笑長送左朱輪

予帖職以來經饒同舍秀州道鄉葵州  
子野樸州伯垂鄭州仲裕凡四五人矣



晚春

露花裊裊開還徧風絮飛飛去不休春解無情春亦老欲將寥落與誰愁

送祝熙載

昔誓繻仍在今行綬已新春鷺得遷友夜鶴怨歸人

君便道家山故及斯句

倦枕低潮月征帆截渚蘋清時偏樂職

寒鼈佐吳醕

送魚太傅通判漢州

繇野喜相依長亭亟解攜寒銷雲棧北春徧錦城西  
印醬傳芳蒟蒻祠頌縹雞時平通守貴千騎鬪鄣泥

奉和御製後苑賞花釣魚應制

清籟披蘭路雕輿眷蕙辰漢池平浴日温樹暗留春  
樂石夾威鳳恩魚上翠鱗成文傳睿唱賡曲徧華紳

莊惠皇太后挽歌應制二首

嬀幄柔明訓堯闡保護賢別居長樂寢讓給水衡錢  
慎疾方加膳收神亟去仙宸襟增服紀追報煥終天  
昔帝推嬪則吾君賴母慈陪陵漢家葬異室闕宮祠  
露暗星軒隱天愁月御移翟車參享路無復廟中期

和石學士直舍晨興

高閣休殘暝層梁逼早曦芳風萬年樹殘月九華門

枕歌淵魚夢裘貪睡貉温星杓壓城角天漢落河源  
肅唱千廬寂傳開萬戶喧煙浮紫黎觀春著翠梧圍  
有客方岑寂紬書滯討論新年居右席此地到西崑  
硯瀉含毫滴刀餘削柿痕談高白馬度頌罷碧鷄翻  
幸接雌黃几同歡清白古樂府有清白各異傳不因窺麗句  
誰刮翳瞳昏

仲微相過把酒有感

故人當立酒今夕喜銜杯事與朱顏改年將素領來  
鹿車君連蹇鶴祿我徘徊紬史餘三擿爲郎媿一臺  
洛吟真可效傖賦久成哈平日零風瑟塵襪爲試開

偶作

人遠言都廢身閒道轉迂是非纔一馬多少但雙鳧  
學稼慙農老還山笑客逋嘶蟬何所謂相伴據庭梧

詠葵

織草無人愛綠葵一生私意竟誰知須防白日傾心  
處自是中園衛足時

和音

危弦度曲汎孤鉤一世知音未易求直把將雛爲陌  
上主人猶復自搖頭

馬比部赴兩浙提刑

兩漢爲郎選南方奉使材書隨星火落帆拂斗牛開  
月破濤收鷺天低雨暗梅卻綠持節重無客對銜杯

郭仲微見過問疾

薄官真何補居然滯拙艱無心圖作佛

予素不喜浮圖常以此歲

謝世

有疾願藏山臂率愁肌減毛驚暮領班未能吳

客問誰恨越人彎學倦書刀廢呼慵博雉閑寧慙局  
轅下爲恥醉播問直道朝論枉空言分合刪蒼蠅徒  
擾擾狂獠自冊冊上客迂飛蓋窮閭問閉關餘光照  
徒壁高辯破連環感激排非聖棲遲觸怒頑十年休  
賦蜀二始欲希顏

予屢乞郡守而未遂

昔有彈冠進今將襍被

還春休晴絮白日入暝霞殷舊產平臺側新田潁水

灣

予近有田數頃在陽翟卽潁水之陽

吾游如不遂巖樾冀重攀

楊柳詞四解

垂楊無態不堪誇猶有餘情解作花三月紛紛飛似  
雪白門啼殺叛兒鷗

天幕風和畢雨餘翠輕黃淺亞春衢不知張緒當年  
日似得長條濯濯無

苑路黃黃隔翠霏三眠初熟倚春暉枝枝柔曼皆堪  
愛不分羌人拗折歸

玉樹森森拂曉空子雲辛苦賦青蔥不知苒弱當君

景文宋公集 六  
意卻就長楊使作宮

館中卽事呈郭仲微

仙山對敞直廬扉  
繡徧緹油素領垂  
鷲乘空陪天驥  
尾羈禽不集帝梧枝  
雲連帝閣朝曦早  
花咽宮渠夕溜遲  
何事夫君弄刀筆  
五年猶似鴈門騎

仲微五年間再倅西

諸侯一爲絳州不拜今亦無劇職如余之不偶

李德林

內史兵機是所長  
東師飛度取降王  
誰知一夕讒言入  
不得文皇七寶裝

夏日舊疾間發

老至非無素憂來詎一源  
河魚真得疾牀蠹誤成喧  
咬咀供晨匕蹒跚逗夕軒  
何宜忝蓬觀祇合令文園  
霜挫顛毛禿雲添眼膜昏  
問天寧有禱依佛卽忘言  
燕麥搖風砌蠧苔壓雨垣  
冒榮難自効三粟戀君恩  
鄭天休舍人言中丞晏尙書西園見憶

聞道青雲友曾過廣武廬  
中園玩蕭寂嘉樹日扶疎  
塢靜蟬鳴急花翻鳥集餘  
賦成誰見憶唯是沈尙書  
送黃灝

橫步文休二十春  
華顛初得半通綸  
江邊又濯滄浪水  
堂上寧招翫麟人  
未分塵纓慙帳蕙  
不緣羊酪弃

景文宋公集  
十一  
羹蓐思家夕夢還都信併附秋波六六鱗

覽中丞尙書譙陳二郡新詩

自頃辭台路陪京擁使珂遺音追正始新韻徧中和  
贈答劉公數登臨叔子多腸回初有漢耳熱遂成歌  
警夢春塘早歡顏雪席醜拍殘吳子夜唱殺楚陽阿  
勝氣籠雲沉清懷貯月波無妨爍顏謝莫獨與羊何  
譙里鳴騶入陳郊露冕過二邦留雅詠棠樹共婆娑

自詠

四十爲郎信倦游虛名韁鎖太悠悠危心正似葵傾  
日衰質先於柳望秋要路風塵疲驥足故潭煙雨廢

植頭頰灘漸報耕疇熟終乞閒身守一邱

答客

十年通籍向蒼龍孤直何緣免諱窮欲識深心似魚  
鳥不將山海換池龍

秋日詠庭樹

庭樹報秋歸蕭然芳意衰露危陰處葉風勁暝前枝  
嘒嘒蟬嘶早梢梢鵲定遲江潭正搖落司馬不無悲

枯樹賦引桓司馬事云  
今日搖落淒愴江潭

病興早朝

萬轡冬籠鳳闕西病興重喜趨朝闈初霞稍上巖廊

景文宋公集  
六  
戟落月催傳衛士雞溫樹未凋風力薄仙杯已滿露  
華低明光一對清光罷昏目猶慚眩轉迷

送殿院張奎漕京東

霜栢輕寒警曙烏使臺東道亞風旗人瞻御史乘騶  
貴錢續司農朽貫餘睢苑千門聊按節齊官三服罷  
移書此行須信褒恩美新詔黃金飾佩魚

和中丞晏尚書憶譙湖二首

輕幘行艫破練光題鞭舊岸接回塘使君幾作臨波  
醉猶省當時問葛強

春波漫處尋他浦晚潦清時覓故洲使舸恩歸心賞

罷後來風浪但驚鷗

西園晚秋見寄

中園秋物曉清玩日無窮暝篠深留翠寒花淺作紅  
鶴鳴殘滴露蝸喝已涼風誰伴調絲管心知憶戴崇

九月十五日恩賜禁中所種稻二把米一囊

中天銅雀長鳴罷清籟滂池告稔初刈斂方從弄田  
出頒分更自導官餘霜莖蠹秀紆宸玩玉粒疑甘剩  
禁儲慚愧有年君賜厚等閒欹枕夢維魚

占

詩人夢魚  
爲□□之

和晏尚書詠芙蓉金菊

千疊綃紅抱藥乾一番金雨映趺攢比來醉筆賡新  
曲簡上飛霜不擬寒

雨中罷直

禁樹連天雨送秋千門寒氣襲輕裘優旃不用誇諧  
辯陛楯諸郎已得休

和梅侍讀給事秋雪

朔氣迎秋晏因成糝雪飄圍賓驚早賦郢曲愛新調  
雜霰鳴寒苒紛花混晚茗光含闕邊鳳温借省中貂  
縞頃纔供望鹽波已屢銷金華屬清思旻寓共寥寥  
當直偶題所見

凜序閑緹籥輕寒著黼帷仙盤迎日早温樹得霜遲  
風觸趨朝珮霞纏放仗旗殿廊聊暴背誰訝子雲衰

柏君山與揚子雲奏事坐  
白虎殿廊下以寒故背暴

藉祠宿太常院聞翰林兄長內當

碧天霜氣夜稜稜人在鼇山第幾層靜極禁關聞下  
鍵暝深連閣見通燈蕙薰浮篆才餘火酒滴供研自  
不冰無奈此時懷共被各分臺署擁青綾

李仲令挽詞二首

家賜齊侯履人推卻穀文結婚榮外館謀帥得中軍  
盛集追園蓋道章託隴雲不圖星渚畔更作死生分

贈密充幽隧鳴簫翼素輪山邱華屋遠桃李故蹊春  
使幕披愁霧談犀委暗塵須知悟生滅終得法爲身

出城寫望

因侍祠出宿

驅車南陌道物色喜春還水暖初成浦雲晴不抱山  
原姿平澶漫禽哢巧間關此適非謀野祠官只在閑  
禁門待漏  
破月餘光淡禁街駐車聊候九門開雙蟠曙闕蒼龍  
動斜倚春城北斗回漏箭急傳催疊鼓酒壚爭擁賣  
寒醅元規塵影真堪畏已傍游人要路來

寄葉道卿

懇乞東南節貪榮綵繡衣禁中嚴助往江上子牟歸  
併覺秋萼美時驚夜鶴飛遙知具雞黍日與故人揮

和中丞晏尚書春陰

輕寒剪剪著春旗樓外晨光已暗移小霧不還添柳  
弱餘寒未去惱花遲么茲促柱愁成曲遠水迎船巧  
作漪誰在河橋望歸客莫將雷響誤輕輜

海棠

萬萼霞乾照曙空向來心賞已多同未如此日家園  
樂數徧繁枝滾滾紅

小桃二首



絳蘂迎春五出齊開時未識早鶯啼不應書占游人  
賞留取餘芳付李蹊  
爲就東君得早紅年年開趁落梅風凌寒拂曉相看  
意爭合罇中放酒空

海棠

西域流根遠中都屬賞偏初無可並色竟不許勝妍  
薄暝霞烘爛平明露濯鮮長衾繡作地密帳錦爲天  
吳人語帶  
覆爲帳天淺影才歆檻橫柯欲照筵愁心隨落處醉  
眼著繁邊的的誇粧靚番番恃笑嫣何嘗見蘭媚要  
是掩櫻然豔足非它譽香輕且近傳所嗟名後出遺

載楚臣篇

與獻臣希深伯中源叔景純會飲城東小園  
共到東園把酒卮邀歡只畏酒行遲尙書有對何能  
顧况自尙書無對期  
林間曉日靜暉暉判共山公倒接籬不信佳人唱花  
落試尋欄畔有空枝

清明值雨

有淪興芳序餘寒借慘悽遠山沈向盡雜樹望先迷  
天闊都成暝雲昏本自低漂灰禁餘火浮棗祓殘溪  
檻篠風爭亞汀鳧夜不棲篷聲攢釣渚蓑滴擁煙畦

積潤侵重繡長嚴壓曉輦游人盤馬路獨漉逐春泥  
和三司晏尙書漫成

日烈花休樹結陰紅牙貪調萬黃金伯松不學陳遵  
飲爲識鴟夷是酒箴

扈從至奉先寺回

寶刹虹蟠蔽曙霞中天凝蹕轉雲車不妨歸路王城  
遠滿袖飛花雜雨花

乾元節錫慶院燕

盛節推慈洽宴觴千官不拜儼分行搗彈併給黎園  
部曼衍爭趨角觝場傳炙濯壘紛絡繹神仙綵樹互  
低昂名會面內于胥樂歡譁遙通戴斗香

皇太子誕慶

軒祐深叢祐文支此挺生重輪當月滿一索應乾成  
瑞躋昌綿緒天弧仗左檠海雖分幼潤星已慶前名  
緩帶羣心洽吹銅順氣迎歡觴交秘幄曲赦徧離京  
漢祝昭禱貺周篇記路聲從茲詒翼永斯萬見承平  
三司晏尙書西園玩菊

涉園求勝賞時菊豔秋光散漫仙潭餌離礎瑞鵠裳  
酒熏吹晚蘂蜂冷抱殘香公意同盈感留杯盡夕陽  
送郭太保知相州

螭階看引羽林兵  
君典軍頭司予修注  
記故日相見於殿中罷直還家得  
使旌黼帳三雲清曉別錦鄣千騎上頭迎  
鴛沈故瓦  
秋煙闊鳳下長河夕照平誰伴燕休同把酒嘈嘈歌  
鼓亞夫營

和三司晏尚書秋詠

溪滑水淨蓮莖倒林杪風乾栗罅開迴眺獨吟俄夕  
景畢逋鷗尾過牆來  
霜繁天白鴈行單灌莽梢梢蠹早寒正是河山搖落  
處莫輕離思欲憑欄  
尚書詩有莫馮高  
樓仲遠月之句

王沂公挽詞三首

盡瘁辭當國均勞得偃藩幄中留秘畫天下滿危言  
日企還三事寧圖闕九原誰將河海淚一灑問乾坤  
下閤成憂疾飛郵走詔醫遵鴻徒望渚浴鳳不歸池  
宣室君朝罷翹車客涕垂正應廊廟上畫一奉蕭規  
翼路風號野松阡水溢滎滕居今見日傳魄上騎星  
詒訓金籙滿圖功籀史青空嗟令君坐千古掩餘馨  
送靜照大師歸餘杭  
旁行經葉振餘埃社侶欣聞錫股回林鳥拾花迎擁  
袂江龍停浪送浮杯  
戈年應共銷香飯幾夕飛談辯  
劫灰漸次南征知有爲化成今在故巖隈

翠樾亭

茂樹交軒地不塵江光野氣望中新客來魚鳥皆知  
樂夢罷池塘併得春煙竹有痕時拂戶風花無意自  
飄人當年幕客今追恨不共山公岸醉巾

屬疾

腐肉填鴟素華軒載鶴身間關吾有謂當路彼何人  
帶眼移仍數顛毛變愈新惟無公幹譽它味似漳濱

景文宋公集卷第二十八

景文宋公集卷第二十九

律詩

馬上見殘月

娟娟天外月正見上朝人老桂欹藏樹纖鉤側抱輪  
氣清仍泛露光淡卽迎晨尙作徘徊意西樓對結隣

聞蛙二首

蛙聲真可厭聒耳橫相干怒氣何關勇私鳴不爲官  
膨脝枵怒腹日夕沸溪干羣響何容罷時無牡菊官

祇答晏尙書懷寄之什

赤白邊書費坐籌尙餘清暇寄冥搜知公摘句多精

意虛憶盧謚唱和流

早秋二首

斜規脈脈霞底去早涼蕭蕭林際歸年華搖落適誰  
怨伯勞燕子東西飛  
離騷何苦怨鴟鴞本因搖落鳴寒蟬警鶴亦無  
謂要是愁人聞自驚

冒雨晚歸馬上口占

滿蓋繁聲結暝涼獨驅歸馬向閑坊  
意半作銜泥汗錦鄣

下直

殿樓傳鼓報歸鞍槐道逶迤出九關  
雨罷浮雲留北闕朝來爽氣徧西山  
條逢行幘排軻度稍見晴鷗接翅還  
癡計未容官事了只驚潘鬢颯然斑

宣獻宋公挽辭三首

斯文推舊德憂國變華顛夙夜勞三事  
東西止百年

溫辭聯冊祕

中宮策文公實為之時稱名筆

良史大都傳

三朝史比自公參撰

它日賢臣壘心知望圃田  
美疢交明晦浮齡詎控搏宗盟一箇弱人贖百身難  
賜斂榮絺袞臨歌駐玉鑾欲知桃李愛朝紱其汎瀾  
順諫長樂朝奮庸明辟始功名一不處愛直兩遺美

景文宋公集 二  
空廡侍中貂遂失尚書履不朽在公言古來皆有死

春雪寄鄭府尹

風御憑空攪玉塵急飄斜舞碎霏勻九重關裏都無  
夜五出花前自作春賸借薄寒添鴈夕強留餘晦惱  
鶯晨須知柳絮紛紛態迷殺章臺便面人

和三司晏尚書西園暇日

陰陰嘉樹雜花殘下畹行吟靜更歡草葉參差聊藉  
帶竹皮紛墮卽爲冠餘杯更辨浮冰耐小枉初思御  
月純公有吾廬無限愛海圖周傳不同看

陶淵明詩  
有吾亦愛

吾廬之語又曰汎覽

周王傳流觀山海圖

旬休二首

薄瀚還私室陶嘉屬小園筍餘林響密花後果初繁  
燕口啣泥重蜂衙釀蜜喧此時蕭散意都欲忘乘軒  
待詔官非急還家體不勤里無休汝騎窗有上義人  
密樹稍迎夏晚花猶及春幽懷誰與晤杯酒強相親  
禁中垂柳  
曼線長枝不自收天姿濯濯與風流已隨曉珮拖三  
綬更伴春旗亞九旂盡日舞殘芳吹在此時眠熟瞑  
煙留宮中二月多行樂爲掃清塵待翠虬

元會詩六首

寶典叢三朔中闈闕九闈羣臣森拱著列仗儼屯門  
輦出東房秘辰居北極尊熊羆連案負日月傍旗翻  
亨運樂斯逢多儀粲云展雜襲置蘿圖顛印瞻邃冕  
泐礮履行進分墀珮聲轉賁極自成恭歡餘還作抃  
惟新茲首祚傾祝乃祈年光華無輟旦先後不違天  
賀牘紛陳几祥圖藹奏篇南金照庶麗塗玉截昉鮮  
穆穆集華黉煌煌開燕席壽薦萬年觴音諧四廂石  
右秉蠹文羽左軒揚武威再飯人屬厭三行酒温克  
陽秋履端月象魏布和辰解辦穹廬使吹笙萍野賓  
帝暉仍接晝皇澤共成春盛禮年年覩祥祺日日新

自昔君無勞有言朝不夕遙聞索扇上已見歸輿飭  
千門詔解嚴萬官均詠德愧以斐然章無裨從臣職

和宮師陳相公

公辭四輔貴纒營三畝園

來詩有城中三畝宅之句

此地山林樂

當年廊廟尊庭藹有新複郊禽無近翻熟喻治窮僻  
乃符蕭相言

和晏太尉

紫宸賜宴

戴斗通歡瑞節來新年共飲萬年杯宮花雜珥天心  
悅併覺春從殿裏回

寄君玉學士

雞檄防邊未得休又停歡酌為前籌良辰併賞何憂  
晚它日三公尙黑頭

和致政燕侍郎舟中寄晏尙書

異時仙閣對三休頓首辭榮動邃旒疏廣故僚供祖  
帳鴟夷盡室付歸舟側堦生玉懷歡宴燕壁圖山代  
遠游新句漸高塵累少紫芝巖曲要相求

和晏太尉懷寄燕侍郎

賜車高掛得長閑猶寄南宮事下官招隱新君無怨  
鶴趨朝舊路記翔鸞滄浪濯罷垂纓懶礪硯澆餘著

酒寬行到昔人知足地羨君容膝易為安

和晏太尉三月十三日錫慶院二首

紺宇傳香鷺序回南趨別館宴庭開正應恩厚心先  
醉不待君王常滿杯

酒中優場下調喧漢震鼓與下調笛合奏如今連天

震鼓舞行翻看終白雪青山技不覺斜光上縹垣

和晏太尉西園晚春

北平心計盡紅牙五日雕鞍暮到家林下覓春春已  
晚綠楊枝暗不通鷗

風騰幡幡續去條一朝歡盡負霞朝人間賦筆如公



少借問離愁著底澆

渦曲攀花泥酒卮

東詩有懷渦曲此亦及之

西園春去一凝思謝

公今後蒼生望無復東山携妓時

旬休

火雲疊影抱炎曦霏沐身閑與勝宜卷葉初開芰荷

沼輕房半係石榴枝茶槍早翠吟魂適蔗境餘佳渴

肺知汗馬屬韃非我事到頭攘臂是支離

門依北郭最閑坊休令歸來白晝長司馬苦消非避

事次公無酒是真狂午雞初下繁陰合夢蝶徐翻倦

枕涼自笑此生疲挾筴不知呼筆亦亡羊

送越州陸學士

梅天霞破候旗乾鄉樹依然越絕間挾筴當年縫掖

去懷章此地繡衣還亭餘內史浮觴水路入仙人取

箭山牛酒盛夸先墅宴不妨春詔得親班

和天休龍圖經句署懷舊憶道卿舍人并見寄

帝梧春早二鸞飛羈羽孤翻得樹遲今日併巢阿閣

畔依然同識舊棲枝

諷書小史非新至此舍名郎半昔游君算青雲多少

地三年來作北平侯

送福州通判陳鑄

州閣紆新綬鄉枌歷故廛先驅長卿貴隨子大家賢  
桂蠹闈君貢刀耕越俗田春郵有歸信正待早梅傳  
戲招君况舍人  
紅白戎葵相間繁含情盡日對書軒夫君太恃西垣  
貴只愛當階藥樹翻

答道卿舍人桐竹之嘲

桐竹連雲阿閣西修莖濃葉蔽璇題本來鸞鷲徊翔  
地正恐羈禽不借栖

馬上遇雨

萬瓦涼聲挫暑威輕風斜溼看茸題禁溝花咽先聞  
溜馳道沙平久未泥拂水有紋飛燕下翻珠不定弱  
荷低城陰霧密千門掩更恐歸驂五里迷

送黃秘校

妙齡看試牘共嘆俊聲喧十載重來調猶參軍事煩  
吳臄公迅溜京炙伴芳罇東觀它年選當求江夏孫  
送承制劉兼濟知原州

假節分州郡掄才出將門還提射聲旅

上以禁卒千  
人為若帳下

并破護羌屯

君兼涇原  
路都監

尺詔方臨遣新書得細論旃

酋陪獵帳戍校接歡罇後伍鍵囊密前驅鼓吹喧隴  
笳梅落怨虜陣月殘奔赤白猶傳警先零久負恩行

期雪家恥三捷奏天闈

卽事

中伏翻無暑斜陽未卽曛暫光風處葉餘黑雨殘雲  
圃埒繁蔬甲堂坳疊蘇文中構殊不喜詩酒半離羣

對月

月華真可愛堂上共徘徊白露方徐汎清風適共來  
蟬津隨照滿烏閣爲啼開萬慮方岑寂愁看雲漢回

喜仲微學士直右史

殿棟洪紛冒紫霏新聞再拜上丹墀

左右史初到職必再拜乃升殿

日高中禁仙香馥輦度橫街赭傘移寶校對呈天廡

馬輕兵看閱羽林兒因君此際磨坳墨偏憶當年第

二螭

行香

朱華通奏見晨暉內寺傳薰得早歸私舍不應勞薄  
澣天花仍在淨名衣

和晏太尉晚夏

炎威不可度永晝坐南軒蟻過閒占雨蠅來自厭樊  
林披衆果熟池靜數荷翻早晚鞦韆習乘秋擊迴原

和王龍圖七夕直宿

二星秋早駕雲車此夕聞君寓直廬月在宮中穿線

景文公集 卷之九  
處香傳樓下曝衣餘橋烏徑度明河近巢鳳歸翻  
閣虛寂寞潛郎誰晤語只應藜燭伴讎書

和道卿舍人奉祀太一齋宮

素秋來藥館瑞祝達霄晨蔬薦祠無餼樓居地不塵  
擲波琴鯉樂傍時漢雞馴此際清懷極盈杯沉澗津  
塵氛不可到深駐五城樓素瑟少今韻仙椿無俗秋  
晨杯三秀潔夜檠九光流順報通霄極紛綸瑞福迺  
地占叢霄勝人持禁囊來詩長清夜徧祀罷素秋回  
爽籟天中發虛弦月際開無容以風解身自到蓬萊  
和道卿舍人承祀出郊過西苑馬上有作

西郊一超忽祠節暫踟躕天迴歆臨野河長側貫都  
飛廉披苑路南斗抱城隅塹塹時休獵棲糧戶免租  
虎歸仍習圈鳳下稍依梧池岸斜聯籞宮楹上集胡  
慎齋雖有屬勝踐未云孤霧裏過仙市輪邊認佛圖  
檉楊閒對偃鵠鵠靜相呼牧罷林將暝樵歸徑自紆  
有懷攜鏤管何苦促驪駒壯志飄然發知君顏謝徒

皇子封建詩

粹表歧姿茂皇基慶祚融玉圭先啟國銀榜後題宮  
茅龔封壇舊金頒瑞節雄恩添少海潤歡激小山風  
抱拜殊藏紐敷言異戲桐燕詒光祖烈調護切宸衷

育德吾君子庸親天下公異時瞻出閣繇陟嶺無窮

比日

比日投簪隱孟峯列舍椽值巖因作牖仍礪卽疏泉  
斧爛仙棋路花飛佛雨天諫帷他夜夢猶在翠微巔

宿直

三重仙閣道家山寓直由來惡素餐漏近章溝先報  
暝樹連溫省未知寒蘭釭靜對朱花結芒帙閒披白  
蠹乾前膝正宜無夜召賈生衰鬢僅勝冠

晚秋集晏太尉西園

邂逅翹材客乘秋共涉園淺葩歡所媚寒日醉中暄

目遠鴻堪送林深鵲自翻長年無所嗜惟有不空罇  
造適銜杯醕情來念物華喬柯寒自籟荒菊晚猶花  
滾滾飄談塵焯焯下日車歸騶侵暝鼓無復避堤沙  
監中會雨禁諸公飲餞吳舍人梁正言富修撰  
葉龍圖以計省不赴作詩見寄

殊庭詔蹕斗車回學省歌驪宴豆開孺子橐閒同放  
筆景山鐺暖不停杯橋門細溜生寒沼經市斜光落  
晚槐捉麈知君非興淺枉教華劇計籌催

和待制龐學士寄獻宮師陳相公

溢滌清溜接家田白首辭滌鉉席賢直使斯人歌畫

法復容吾黨記歸年五禽習戲探仙術萬法觀空證  
佛緣聞道巖谿春更好許誰飛蓋奉周旋

次韻和宮師相公因待制龐學士賢年二韻易

川然兩字

龍樓一品亞台聯佚老歸來帝養賢商皓嶺芝追隱  
伴胡公潭菊得高年客盤梅熟經調鼎宴渚舟橫舊  
濟川延閣裁章紆和曲玉音風馭共冷然

屢乞近郡詔不許

避賢求假左朱輪衡石通章觸罷頻十駕似駕寧取  
道五能如鼠不藏身危心事國區區在短領侵年種

種新君惠轉深無報日長教猿鶴怨歸人

次韻和宮師相公南游舊山還及闕下二首

丙御蕭蕭上翠微故林泉石共光暉曉猿夜鶴知無  
怨得見山中宰相歸  
武當宴席揮金罷鄭圃聯章驛霧成莫獨名山藏秘  
本別須留副在華京

答天台梵才吉公寄茶并長句

山中啼鳥報春歸陰闔陽墟翠已滋初筍一槍知探  
候亂花三沸記烹時

陸氏烹茶每以三沸爲法

佛天甘露流珍遠

帝輦仙漿待汲遲

上都惟于嘉泉故茶味差減

飲罷修然誦清句

赤城霞外想幽期

和晏太尉三月望日

東南郊日上團紅浩蕩天區望始窮獨愛暖雲如擘絮紛紛無事映晴空

和晏平尉早夏

寂春寥蘼盡岑蔚夏陰稠舌反禽稀弄頭昂麥併秋直宜處臺榭稍欲厭巾幇可待蒲葵直思從謝傅游上直蓬山遠輕軒截九遠曉光銜睥睨秋色靜采恩漸覺蘇裘做行嗟潘領衰鷓鴣自有志不羨帝梧枝

送謝處士南歸

歲晏心無著時清遁更肥江蓴縈箸滑海鳥傍帆飛鄉思生閩霧吟懷入楚霏趨庭多令子綵服間荷衣和樞密晏太尉元日雪

寒雲萬里送殘宵釀得祥雲集歲朝繁影未能藏夜燎薄花仍欲伴春椒光含象闕蒼龍舞跡印鴻泥早馬驕豐兆歡歌誰不爾百官兼放五門朝

送連庶

之子遠參卿勞勞千里行素衣因客變華髮著秋生遇鯉頻傳信逢蓴試作羹塵埃半通綬何地免將迎

景文宋公集卷第二十九

景文宋公集卷第三十

日律詩

出潁上唐公張集仙相勞

去卽成恨恨喜見眼中人共束西崑帙

唐公與子同書席又相次

得來爲左虎隣年華衰意早酒所故情親後日孤舟

遠離懷怯重陳

符堅處

卽晉師破

肥水縈如帶淮山崒似雲此時聞鶴唳無復畏官軍

氏醜矜凶甚臨流列萬幢由來不出項何苦欲浮江

初到郡齋



專城四十外

予行年四十有四年矣

中石二千餘

予帶內閣故月崇實泉

曠

日慙良術班春賴細書學慵前志怠身遠故人踈姑  
俟天藏疾雌堂日燕居雲出湖間鱗思無窮異宮軍  
省分由來拙操心本自危十年今得調三而此逢枝  
攘臂貪豐粟裝懷倦許辭竹林誰見憶迢遞始平麾  
行樂逗城闌仍逢搖落辰塢風焦栗罇園露飽梨津  
遠水多成浦高雲自作鱗七丹無復得魂斷小山人  
日烘霞底未成昏拊物驚年併慘魂李樹已僵生意  
苦秋蟲何忍食桃根

中秋夜不見月二首

天上浮雲不肯歸馮軒坐惜桂華西一年此夕無窮  
恨只是城鷗得穩棲  
萬里重陰晦玉輪兔孤蟾遠託宵垠世間未必皆同  
恨亦有居心不靜人

木芙蓉盛開四解

木末芙蓉語當時不謂真今來木末見愁煞擬騷人

楚詞攀芙蓉兮木末  
蓋指芙蓉假為喻爾

翹塵輕抱蕊宮纈巧粧叢青女由來妬憑君淺作紅  
浩露津細蘼尖風獵絳英繁霜不可拒慎勿愛空名

俗雖名拒霜花其實  
實逢霜即悴矣

千繞青叢外，攜觴只自留。晚花兼素髮，同是一悲秋。

仲冬二日使到頒翠毛錦旋襪

翠裘朝罷轉昕霞

皇帝十月一日初御  
夾袍中外頒賜衣襖

頒服諸方走

使車泥和五芝中，出詔錦裁雙獸織成花。

錦作花地  
雙獸獸文

官叨侍橐恩加等

待制官在京賜  
紫羅出外賜錦

例及和門賜有差

詔并賜在  
城諸軍校

坐襲餘溫身更寵，不慙多病帶環賒。

立春前二日獲雪

佳雪春前降，層陰臘外留。日昏霏霰集，風定舞花稠。  
皓氣嶢嶢徧，繁光滾滾流。灑林初亂塢，拂瓦暗平溝。

洞轟三雲仗，山迎萬玉侯。客車羊作駕，仙斝鶴供裘。  
只有歌堪和，都無色可侔。險堆憐傍砌，斜溼愛侵幬。  
飄漾成遲落，繽紛不頓休。粉塘連北渚，縞頃接西疇。  
興往惟思戴，賓來但憶鄒。絮痕侵柳動，鹽影看波浮。  
宿莽攢瑤草，長堤卧素蚪。正緣先畢雨，併欲潤天甌。  
應禱驅民瘠

前遣探屬致禱  
南嶽冬獲茲應

呈祥溢里謳，長人蒙帝

力歡酌仕言疇

聞歸鴈

故歲東南客，新來西北飛。聲迷江月老，陣入塞雲稀。  
遠恨拋書素，餘音付玉徽。行人落君後，搔首未成歸。

薛道衡有人歸  
落鴈後之句

一百五日官舍作

晉歌本自傳幽憤楚俗緣何作勝游宴豆雕文誇淪  
卵俠場星影鬪飛毬光翻蘋吹都無力暖著花煙不  
肯流擣杏沃錫紛節物更慙多病怯寒甌

書齋前栢八株森植翠茂

總總長柯上離離翠實疎休誇冒霜雪僅得守門閭

古語松柏爲百  
木長而守門閭

已落牡丹

世間最有不勝妍愁對韶華欲暮天已被風開又風

落要爲人羨卽人憐

淮山

不見當年叢桂枝空山崔峯但霞霏眼看春草萋萋  
徧身是王孫未得歸

郡圃

側曲豔歌閒送日晚花初葉暗留春舞狂風蝶時過  
樹啼熟林鷺不避人

小荷

濯雨拳紅展擎煙側鈿微才勝漢臣橐未辨楚人衣  
轟轟閒攢沼差差靜隱磯游防靈蔡重戲怯孺魚肥

莖弱從風靡珠成恐浪揮文鴛不肯去始得蔽斜暉  
池上

晚矚西池上池清暑氣微雲煙互明滅蒲荇兩因依  
戲鯉來無定眠鳧久自飛紛吾刀筆慮逢此憺忘歸

淮祠謝雨

雨罷天披霧杓回夜向晨煙蕪出郊路燈火侍祠人  
破月斜銜桂傾河淡掃銀三時此修報慙負駕崧輪

晚夏高齋看雨

雲族窮天雨足垂繁聲涼陣挫炎威圓荷萬蓋翻珠  
琲綠稻千畦灑佛衣迎浪孺魚銜藻擲迎風雛燕入

樓飛原田潤浹吾農樂簞笠紛紛晚未歸

題挽鄧亭

亭學士楊察所修既成而揚被召故僚屬共名之

鄧守挽不住眷予番久留決非人所挽胡不理歸舟  
到官朞月病益損樂職感懷

天與疎慵地人無榮進心死灰差免溺如用反棄杖卽

成林主諾固多暇避賢懷所欽難邀穎川鳳敢望漢

臺金漢時太守增秩賜金倚酒狂雖在前衰歲已侵恭聞容考

績緣此未投簪

苦熱二首

夜火雖中氣未清箠頻練倦若爲情峯雲不動林煙

景文知公集 五  
熱正爲蝸蟻作沸羹  
秋陽晝長不可度身被單葛如重裘何當急雨洗天  
地坐使清風還九州

七夕

開秋七日到佳辰里俗爭誇節物新烏鵲橋頭已涼  
夜黃姑渚畔暫歸人徘徊月御斜光斂婉轉蛛絲巧  
意真卜肆沉冥誰復問年年槎路上天津

秋夕不寐

倦枕回尤數東方不肯明只將無睡耳終夜聽蛩聲  
木芙蓉

芙蓉本作樹花葉兩相宜慎勿迷童子分明立券辭

齊時童謠云千金買藥園中有芙蓉樹正指此木芙蓉耳

一作淮南守再逢霜豔新花前今日酒卻在去年人

予去秋已有木芙蓉四曲故有是句

酒胡

誰刻優胡象來爲飲席珍不因君屨指幾音作獨醒人

觀舞

蹀躞趨繁會婆娑無定妍心知吾地廣長袖得回旋

峽石寺

滾滾上層巔飛空寶構聯山林楚遺塞樓閣佛諸天  
午殺中峯影晨香衆壑煙齋淪一水注開闢二崖穿  
旭日生巖罅歸雲宿棹邊吾游常草草慙對社師蓮

寄獻楊州

平昔懷親友銷魂重遠辭于今急難地那復別離時  
脫木乾坤晚窮途日月衰憂餘曾得愜愜罷返無淄  
楚分多連澤淮居止雜夷持樽相望意不減見瓊枝

過惠崇舊居

崇工詩有  
名于世

人往名長在欽風慙故居社殘連卽老園廢奈仍踈  
塵憶清談外雲經暮合餘徘徊視齋壁行草暗殘書

師善行草齋

字多自題寫

雖昧平生契懷賢要可傷

予爲郡之年師之  
去世已二紀矣

生涯與

薪盡法意其燈長遺畫空觀貌殘詩孰補亡

本院唯  
有師舊

詩稿  
數軸

神期通一語無乃困津梁

哭郭仲微三首

倉卒聞櫻疾何辜遂沒身哭筵同產子

仲微無兒唯  
兩猶子義當

主聞訃悵友人冢有邢山舊

仲微先塋  
在新鄭

天爲京兆隣

想君齋志恨不使白楊春

我作魚符守君司鳳詔文

予出壽陽時  
仲微新掌詔

它時談笑罷

今日死生分怨涕翻榮浪悲魂引鄭雲山陽懷舊笛

腸斷不堪聞

謝氏雖多女

仲微有三女

中郎竟乏兒人生忽至此天道

果難知一代英才在千篇故稿遺生平同翰墨不及

鏤豐碑

予解郡時仲微已襄葬內相吳春卿為作沈誥

### 讀賈誼新書

誰謂賈生學兼之文帝朝死憂王墜馬生賦鵬如鴉

被召宣溫密矜功絳灌驕勤勤論五餌史筆未相饒

班固啜五餌以為陳蓋不見賈生之功成耳

### 讀史

昔事堪追咎斯人亦寡謀臧倉君側毀趙孟死前偷

直筆空料理忠臣遂隱憂只應貽後世三歎廢緹油

### 讀巷伯章

孤節區區是愛君危言未達已危身豺牙虎爪銛於

劍不為詩人食譖人

### 對白髮自感寄揚州

四十還添四顛華鑷更新應從多病日遂作始衰人

毀積方銷骨經窮先腐脣竟誰憐種種由此到諄諄

軒冕間關路風波踏蹬身兄今又過二何術耐蕭辰

揚州又大二歲其衰可驗

### 偶書

遠作分符守猶爲持橐官易漂非待煦自栗不須寒  
髮變少年鬢心餘卽日丹過門休翫麟逢路定洸瀾  
忌刻殊忠告遽施足面謾直緣蜚語入正恨飲章難  
墜後仍加石驚初更避丸讒箕元有舌僞玉嚮無瘢  
任拔終傾藿雖憎亦佩蘭隴雲平莽莽林露夜團團  
且欲排孤憤還應覓暫歡兩歧行處恰五酸食時盤  
地善人差逸天高網儘寬戀軒嗟棄馬巢閣羨歸鸞  
楚嶂橫朝塞淮波漱暮灘空將西望眼隨日到長安

思歸

心悸真摧櫓年衰逼異棖西征何日賦東走向來狂

遂隔承明謁虛稱建禮郎去都魂黯黯思惺惺浪浪  
見萸慙紆綬逢荷誤索囊醒無經宿酒死畏乃存香  
前席初延問煩言已中傷修身曾久鍊繞指詎容鋼  
事隱或投杼根危任困楊陰收主父草幾落黨人章  
霧露淮天惡亭臯楚塞長平時猶有感爾日固回腸  
溪潦掩蒲牒洲風挫藥房芴區晴外遠山疊暝前蒼  
毒虺寒猶蠹飢豺晝不藏若爲貪坐閣自此戒垂堂  
淪骨深恩在雕蟲緒業荒身孤惟夕夢時到敝帷傍

守歲

已覺新杓動猶聞促漏餘夜寒窮臘尾春色併年初



景文公集 卷三十一  
事往成追計身羈況索居明朝爲壽酒無奈故人疎  
得故人楊備書

款款南雲信相存安穩不比年常屬疾茲地幸爲州  
浩蕩親知隔奔騰日月邁暴公初有刺孫叔竟無謀  
黑白蠅間變嫌疑李下求側身忘夙夜回首得沈浮  
士節何嘗屈君恩叵計酬泝封不龜手知罪一春秋  
言命由來罕逢辭敢辯庾紛吾常用拙焉往不離憂  
重詛勞三物揚芬避十猶虛弦落驚鴈眞月喘疲牛  
谷口輸誰隱周南愧自留庭殘千騎長形勝二山緜  
寡術驅秦盜彌旬錄楚囚巫風那肯化祠鼓詎曾休

安取龔黃最口堪趙魏優闊然宣布曲直爾伴牢愁  
今子身東望思同智北游攄懷弄杯杓對帙理墳邱  
眷眷餘青眼蕭蕭共白頭姑營裘與葛隨度臘兼屨  
櫛櫟人寧顧遺簪上或收狂言非所愿君乃惠施儔  
新詩詠懷王首游千里萬里萬里萬里萬里萬里  
榮願日云暮安論輕且肥嵇慵元抱病遽晚况知非  
餌落愁魚鯁巢成羨鳥歸吾生江海志終不與心違  
盡信書奚信難言命敢言竟誰成簡冊無客問乾坤  
值狩麟猶泣遭君鶴乃軒滔滔千古事惟有付芳樽

聞蟬

勞君驚暮節助我思流年  
嘒若橫吹管繁如未破弦  
城殘嘶外月林暝噪餘煙  
塊坐秋風裏潘郎鬢颯然  
不爲秋歸人未歸淮南  
又見葉丹時漢皇好少身  
先老楚客愁醒啜始醺  
夕棧長風驚代馬曉天團露怨  
江離夫君去我猶千里  
萬慮勞勞欲語誰

述懷感事寄子明中丞

久玷三雲從仍叨千石榮  
羸驅付多病怯計會無成  
出守非嚴助何年名卻萌  
風摧向陽藿霜變度江橙  
晝閣勤聽訟春疇力勸耕  
遂慚循吏術姑促縣官征

害馬真宜去勞魚實恐頽人心  
久忘戰朝議近論兵

戍鎖關南數邊烽隴右明將機  
猶嘆嘖賊膽尙縱橫

說士爭操牘

關下獻方略者蓋千計

謀臣屈請纓已聞疲轉粟

安得但櫻城且急和戎利重尋  
澆酒盟安危繫公等

指授盡時英幸有千金募須容  
八陣精待衰曹劔鼓

長揖亞夫營刷憤宜修德時  
巡况作京

詔以大名府爲北京天

方射蟠豕力欲斬長鯨憲紙言  
常屢王塗日以清  
悉心前席重直指佞人驚  
仗下霜餘凜班回珮倚鳴  
早調黃鉉鼎催獻惡鳥羹  
顧我罹飛語于茲頽倒行  
鬼神慚賈誼唇舌避君卿  
直道今寥落狂辭先猥并  
椎

景文宋公集卷第三十一  
如莫邪鈍倭若小冠盲秦俗矜車甲周詩賦旆旌會  
當須橐筆歌詠二邊平  
亦防親軍出討人誰封不歸翁稟班回雁尚與早  
六出神矢伐於淵蛙雜魚言常與玉堂日以清  
交與五光齊謝對官遊海執巡非壯京  
計列嶺湖英李降千金集廉容及制許替衰曹德效  
尖銷山對如且涼味殊味正轉對西盟安京藥公卷  
兵士亦難酬  
斯日風精難日問幾靜粟  
如餘國商地歐秋湖古即知難蘇更費銀觀向難蘇

景文宋公集卷第三十一

律詩

秋興三首

天地西風徧亭臯衰意生寒雲終不雨危葉自多聲  
晚蟪猶嘶樹啼鴉忽度城默然孤客思年序共崢嶸  
遙夕何曾寐孤懷有爲憂謀多真逗撓師老但誅求  
朔霧摩邊壘羌風殷戰袍吾生誠用寡歎罷只搔頭  
先日二毛生秋來無復驚南風隨楚俗北斗望都城  
塢栗霜開罅池蓮雨折莖停罇問天意何適付枯榮  
風裏不寐

風裊危檣浪泊船三更殘月下空弦離鴻過盡啼鳥  
困猶自愁人不得眠

送張司勳福建轉運使

晚花吹酒送行人迢遞風煙上七閩江海身孤雖戀  
關豺狼路靜不埋輪陽林擷露茶腴早側樹烘霞荔  
子新毛竹乾魚仙祀古請君尋徧武夷春

舅氏自壽陽由京師歸安陸

道舊欣來駕銷魂遠遠離顛毛同白日

舅雖大子一  
紀然予今已

頭俗眼暫青時客飯稽留數

古詩趣令辨粗  
飯慎勿使稽留

齋醪酪

酌遲風波須畏險老大其餘悲楚莽先春動梁雲向

雪垂還家存別墅它會看圍碁

尹學士自濠梁移倅秦州

于役三年遠

若自經略西事  
出入三年矣

論兵兩鬢斑不辭征虜

辟

君再入部者  
韓公墓下

要作破羌還楯墨應圖熟堯烽報未

閑浮舸背淮版盤馬入秦關遂閣雉書筆仍餘聚米

山憶君它夕恨遙向隴雲間

送蘭殿丞赴關

其治清淮北面州

壽陽雖曰淮南  
實治淮北上蔡

何言分袂張夷猶

君還南闕雙龍下我駐東方千騎頭未落林花延別  
酌無窮堤草伴行舟懷人想月勞勞意自此相牽更

倚樓

送黃寺丞謫濠梁

東門十載未落林林  
間關羈籍遠跌宕壯心違倦逐淮禽去欣同塞馬歸  
時來富且貴事往是耶非姑共春清酌徐徐遣世機

重陽前二日喜雨答泗洲郭從事

晚秋嘉樹潤焦原楚老相歡萬卉喧須信甘膏皆帝

力使君虛凭黑熊軒

予下車六旬而蒙甘雨非百里隨軒之應明矣

雨洗淮天旱氣摧正堪憑遠上高臺萸津菊潤齊醅  
熟共助重陽辟惡杯

得杭州鄭資政書

誤拋荷橐別雲裘天賜疎慵卧治州轅下已疲猶戀  
主道邊寧死不為鉤風波路惡驚危涕蓬葆年侵變  
黑頭獨喜故人恩契厚冷灰遺甌遠相求

答宿州王素都官

當年弛鐙避清塵此地聯麾喜故人豸角去冠休觸  
佞虎頭分綬且行春謗銷不復投親杼官拙猶須讓  
後薪酌酒為君賡一曲江邊收得子牟身

答戶部句院王學士泊滄陵見寄

峭颿風罷到淮瀕草草停橈一問津大小山前懷古  
地短長亭下未歸人林姿暗淡吞霞尾浪疊光芒受

景文公集 卷三  
月輪尚憶它年故傳在壁牋題作郢中春

寄宿州王都官

倦把菱花照病容蕭蕭斑鬢作衰翁  
虞翻到骨終無媚阮籍逢途但有窮  
敢望君恩收墜屨決須私計付冥鴻  
銜杯後會何能定萬里驚飈一轉蓬

和資政諫議六章

初到郡齋三首

暫解樞機任來從江海閒浮雲富貴外  
一馬是非間月朗生潮浦風香墮桂山  
蒼生雖係望要作治城還我里誠云樂  
公今况釋勞秋萼不下鼓霜蟹恣持螯

林靜來晨蟪江喧入夜濤功成奮嘉藻  
寧欲傍離騷溫省綢繆罷鄉州偃息時  
鶴情歸不怨鳳德老無衰月樹供園蒔  
仙囊續宴卮自慙淮守薄千里與言詩

東亭

左圃魚鱗闊前軒輦翅開虹將一雨罷  
潮送萬艘來山淨秋妍露林虛晚籟回  
此時蕭散樂誰奉醉言杯

秋日西望

晚襟清曠屬層樓搖落乾坤共作秋  
正爲中山存闕意得無平子側身愁

東亭

櫺檻餘涼日未斜  
海天相合碧無涯  
樵風不動檣烏靜  
時見孤煙伴落霞

柔上人

年出八十  
夜讀細字

行年踰八十安坐布金園  
指栢仍餘樹栽桐遂見孫  
巖泉晨自濯經葉夜能翻  
顧我生多病勞師默遣言  
奉和宮師相公流杯亭詩并太傅相公樞密太

尉和章次韻

築巖春脈下飛泉  
林閣留賓敞慶筵  
流水環階智者

樂醕醪飲吏相君權

曹參爲漢相吏有欲言事者  
參飲以醇醪使不得聞說

和

歌遠屬鈞樞舊襖帖閒存  
爵里賢此地勝遊誰復見

醉波深映六符天

憶舊言懷寄江寧道卿龍圖

下蔡行差近金陵  
路更東怵怵成念遠  
咄咄但書空  
恩厚容藏疾時亨  
遂諱窮祿慙千石  
守老謝一錢翁  
憶昨趨陪日仍綠  
班序同

君始入四掖子升  
內閣每兩朝同班

我生真

寡合君量自旁通  
散裘疑皆瑩忘疲  
宴屢終聯驂屬  
車後數會未央中  
禁樹排頭碧衙旗  
曳尾紅籠銜接  
騶士賜管鑊宮工  
慈豆分堯箒歌雲  
識浦風斯文誠  
有屬吾道豈常隆  
秦市俄驚虎鈞天  
亟駭熊塵埃忽  
蒙白桃李併來蟲  
箕次橫長舌飈輪  
走轉蓬歇芳間

鷓鴣禦溼問芎藭可笑矜踈節私憐抱朴忠望霄嗟  
墜雨斂翼避虛弓向忝銀符密貪誇隼旆雄玉魚供

書

淮魚味甘色如白玉

珠米報秋豐

州貢米有隔羅光粒粒如珠

病久衰

還早身閒意愈冲虧全從月蟬喜怒任狙公急景沉  
歡緒長波隔訊筒南飛俱似鵲北嚮未如鴻二閣懷

趨走

道卿直龍圖予待詔天章

重閭限鬱蔥惟應心報國丹赤鬪

江楓

喜連君錫過郡

稍稍客引去依依君見過胡爲困重趼正欲問無它

古者它爲人患每相見問無它否

甌黍驚方熟談犀省舊鉞感餘祇

愀倪衰罷有蹉跎直取憂襟解聊從醉弁俄緩行清  
白酒隨意短長歌皐壤星霜晏纓瓊塵垢多且應留  
具僕同賞二山阿

答李從著作

身是雞翹侍從流單車淮上老爲州全生正似婆娑  
樹不死翻成殼棘牛今日空名同地餅晚年歸計有  
瓜疇慙君遠寄相思句不啻三逢採艾秋

答客

賤子空虛甚何煩跪自陳摧藏不鳴鴈排迕後來薪  
櫛短三秋髮途奔四海塵安能得所欲况是數奇人



和延州龐龍圖見寄

交戟多年著皂衣，乞州初逐阮咸麾。  
驚殘烏鵲虛弓笑，傾盡葵心白日知。  
宿莽騷人傳麗賦，女蘿山鬼賽叢祠。  
慙念舊殊非計正，是朋游掉臂時。

再寄

鈴下呼兒破錦鱗，新篇遺我故情親。  
鍛鸞遂有翻飛日，行葦應無踐履人。  
讒毒未銷須刮骨，上恩難報止沾巾。  
夫君何事材爲累，短後征衣擁塞塵。

次韻宮師相公答太傅相公秋書

巖樹蕭蕭秋興歸，師臣仍此褫朝衣。  
羽觴聊欲同賓壽，玉體何曾待戰肥。  
風補薄寒浮醉衽，雨榮新浪撼漁磯。  
清篇自有夔龍舊，方外相從屏世機。

次韻罷相游故園

戟燦嚴門第，鑲金倦帶圍。  
如公三事老，從古幾人歸。  
白 寒憶與唐公西湖  
紅鮮高下照橫溪，勃窣含情欲上隄。  
手攬緗莖那忍折，戲魚長在葉東西。

荷花深處放舟行，棹觸花珠碎又成。  
莫道使君迷醉曲，分明仍是採蓮聲。

時席上唱漁家傲予省是臨川公荷花曲又古樂府有採蓮曲

使君迷

九日憑高有感

把酒憑高念歲華此身流滯屬天涯故園叢菊無人賞  
露壓風欺只自花  
望仙亭置酒看雪

雪壓春期蔽曙空憑高把酒思無窮光侵病鬢都放  
白寒著醜顏久未紅淮漣亂迷珠罅月柳園狂設絮  
時風使君醉筆慙妍唱半落巴人下里中

望仙亭晚眺

日晏來憑檻要知刀筆休晚雲山曲峴麤飯客稽留  
未覺清言減猶堪大白浮狂歌誰擊節只是自搖頭

九日置酒

秋晚佳辰重物華高臺帳飲駐鳴笳邀歡任落風前  
帽促席爭吹酒上花溪色澄明初畢雨日痕清淡不  
成霞白頭太守真愚甚滿插茱萸望辟邪

清明日集西園

日日西園春思催攜觴結客上高臺正緣從事青州  
至更許書生洛下來時州醞既美又命座客賦詩早葉已成花半  
落新巢未定燕千回芳辰物物皆堪愛併作高陽倒  
載媒

峽石乘舟晚歸

晚棹乘餘興平川不駛流山來疑逼岸林度省移舟  
郭迴花仍繞崑寒桂自留鼓聲風處疊颿影浪間浮  
侯吏緣溪徇迎旗駭浦鷗嚮時天際遠還有望歸不

望仙亭書所見二首

危軒冠層堞永日付登臨寒鴈猶能陣喬柯自不林  
溪流橫趣嶋樵路側依岑西北雖堪望浮雲易作陰  
南國冬無雪居然氣候迷柔蔬傲霜甲幽鳥逆春啼  
神鼓聲無歇樵歌韻不齊舉頭看白日還過大山西

冬日城樓駐望

城上危欄徙倚頻山來荆楚歲時新寒塘酒幟能留

客晴塢梅花解笑人客鴈參差仍向渚貪魚撥刺不  
空緝憑高更盡三吹角坐見霞霏仄半輪

西園

日涉中園路昌昌春意深鳥新無罷囀雲暖不常陰  
秀色平連野芳姿細著林歡言挈齋酒值興卽徐斟  
二月十四日西園晚眺

弱柳濛濛密新花滾滾繁貪尋芳芴遠遂到落霞昏  
亭櫺銜山藹池波撼月痕惜春還語客慎勿訴餘鱗

齊雲亭晚矚

山暝日頻落天清風寢和樹花紅暗淡城草綠坡陁

歸艇划煙去昏晷接翅過年華無限樂判作楚狂歌  
西園三月十一日

春園來繼日疊葉暗東西蔭樹都成幄尋花旋作蹊  
沼魚銜尾戲林鳥合聲嘯寧暇并州問山公醉自迷  
小酌感春邀坐客並賦

林下復池邊其如春暮天花仍無數落柳亦第三眠  
強飲非能劇狂歌不取妍流芳何與事只是自惘然  
出城暫憩林下

下馬清林下翛然忘俗情山禽不辨種溪草卻無名  
露筍披斑箬風葩杙紫莖徘徊漱巖溜未忍濯塵纓

晚夏西園二首

道樾陰陰密畦泉活活流梨成津向潤瓜熟子相鉤  
日晏坐中圍清襟注迴軒輕飈逢葉動小雨得荷喧

望仙亭北軒晚思

北顧吾廬安在哉天涯望眼到天回碧雲向晚無情  
合思殺離人未肯開

齊雲亭憑高有感

憑高極目意茫然坐對淮南搖落天空把歸心同客  
鴈遂將緘口伴寒蟬一罇醒醉黃花外萬事蕭條白  
髮前誰取長弓射鳥翼休教西日送凋年

晚眺

危欄真可凭極目盡高原雙堠驛邊道孤煙山下村  
高風生樹響寒水落溪痕坐見斜陽盡歸鴉滿翅昏

晚秋西園

西園來最數要是使君閒塢有常眠石臺無未識山  
池光兼日動楓影帶林殷鳥沒蒼茫外天垂搖落間  
歸雲高杳杳晚菊正斑斑幸有齋中熟無嫌向晦還

景文宋公集卷第三十一

景文宋公集卷第三十一

律詩

有詔換淮陽

比出淮上守今移寰內州真無弱翁治只是茂陵求  
換節矜新假循襟釋故愁桑榆知未晚前失庶能收

閏九月晦日登舟二首

淮平舟未進遠緒悵依依勿謂王孫怨先如春草歸  
二山皆在眼未忍去淮津三宿寧無戀况非桑下人  
去州三宿八公山宛然在望

山長如不去三宿趁行舟未必緣人意祇能攪客愁

勸程方浩蕩回首更夷猶獨有相思恨因之東北流  
同張子春淮上作

南風今日好歸棹上淮津川迴舟如葉山遙草似人  
波光篙底動沙疊漲餘新誰信機心少溪鷗伴此身

道中二首

故歲南趨壽今茲北向陳淹留桂枝客還入玉關人  
鬢髮都成葆纓壤幸濯塵心知來往數不敢問迷津  
檣船清潁岸岸豁見高原桑柘寒煙路牛羊落日村  
扣舷漁艇集爭食清晷喧去去風波事逢人未易言

晚發二首

候鼓遙喧岸行舟逆上湍輕煙著波面斜月罷林端  
颯沓鳧鷖亂蒼茫葦葦寒使君何所憚便道許之官  
曉瀨雖能迅寒流不復狂林聲散樓鳥隄影度風檣  
茲歲方云暮吾行未渠央病身非汲黯安敢薄淮陽

宛邱作

宛邱眞善地承詔幸班春鈴下聽無訟日邊來有人  
吟餘多感客睡足本慵身蟣蝨休相賀吾今湯沐頻

喜雨

陰霞襲曉混層暉雨勢連天泱泱垂潑火正投寒食  
日催耕併及杏花時波生客浦揚舠遠潤逼漁樵作

參遲把酒命賓聊一笑吾農喜罷及吾私  
春晚官舍呈幕中  
萬點飛花拂路塵行春罷後惜殘春雨催莒葉全成  
甲風播榆錢不算緡多病已慚官綬束長年惟共酒  
杯親坐題吏諾君何怪只是漣漪素食人

一百五日作二首

雨罷飛花徧緘愁對晚杯客心將煬竈同是一寒灰  
客舍已蕭寂況逢龍忌辰何煩用火禁自有不黔人

滁州趙學士重修懷山松樓

丞相懷松罷因之名郡樓使君嗟久廢華棟鬱重修

人世興衰換山川久遠留落成今日宴感舊向來愁  
西北天垠曠東南地脈浮雲生蘭葉撩月近蒜條鉤  
樹雜猿呼暝風長鴈送秋此時如極目歸思恐難收

暮冬城上晚眺

城外斜光角已催城頭倦客首空回星霜牢落凋年  
往天地蒼茫暝色來千尾昏鴉愁迴戍幾蹄征馬思  
窮埃使君興罷唯無緒不是登高能賦才

按務東橋駐望

岸峻雙旌駐橋橫一水長凍舟真欲住低鴈正成行  
發發天含籟稜稜野雨霜停驂重回首直北是吾鄉

行春野外

綠野陽膏動春旗出曉衢川長羅後乘林轉隱前驅  
早藥紅黏杏輕苞紫綴榆桑郊不敢問直爲使君愚  
登清思堂寫望  
迢遞陟城隅飛軒浩氣扶春容來迴野天脚入平蕪  
暖吹時披拂晴煙乍有無犇痕經雨徧村逕值林迂  
長房初休馬荒陴稍集烏水生蒲澤滿林缺弩臺孤  
客思紛難泊愁襟愧自拘久之成悵望西北認皇都  
寄公序資政給事  
再分銅虎滯侯藩別後兼聞素領繁契闊不成駢服

馬急難空念脊鴿原壯心干莫年年鈍世路風波滾  
滾翻韁鎖虛名應只爾早同嵇駕老邱樊

答翰林蘇學士

開顏忽見故人書併得雕章念索居自是儀尊憶溝  
水敢將吾笠望卿車流年遂在蹉蛇在末路雖還連  
蹇餘彈飾舊冠猶有愧別來蒼鬢不勝梳

喜翟穎先輩至有感

門下客逾落胡爲君見從墜餘仍顧甌寒罷始知松  
休計流光邁聊欣此地逢已甘漂似梗寧止啞如鐘  
仕路惟希退鄉評幸見容病偷它日壯衰作長年慵



世態同波蕩交情敵酒濃好堅歸去約相伴老三封

原本此下至卷末皆佚

喜璧照夫輩至有怒

寒繪興潛書說離奇動則來蒼黃不繼蘇

水煎冰片趁望眼車前半袋香飄散亦未濕濕幾

隨波為良菊人書粉香飄草念深計自景對草

答鍾林蕙學士

宿騰辭險詭各派只留半同蘇蘇李阻樊

景文宋公集卷第三十二

